

Broj: UP1-06-13-1-57-19/20
Mostar, 1.12.2023. godine

Na osnovu člana 19. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23, člana 18. Pravilnika za izdavanje dozvola („Službene novine Federacije BiH“ broj 2/17, 39/20, 82/21 i 1/23), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (3), člana 5., člana 6. stav (2) i člana 9. stav (1) Pravilnika o metodologiji i načinu obračuna regulatornih naknada za imaoce dozvola – Prečišćeni tekst („Službene novine Federacije BiH“ broj 94/19 i 1/23), postupajući po Zahtjevu za izdavanje dozvole za rad za proizvodnju električne energije u mikro-postrojenju OIE broj UP1-06-13-1-57/20 od 30.6.2020. godine podnosioca zahtjeva „ECCO ENERGY“, vl. Vlatko Malić, Tasovčići bb., Čapljina, zastupan po opunomoćeniku Slavenu Bevandi advokatu iz Mostara, Regulatorna komisija za energiju u Federaciji Bosne i Hercegovine – FERK dana 1.12.2023. godine na XXVII redovnoj sjednici donijela sljedeće

R J E Š E N J E

1. Izdaje se Dozvola za rad za proizvodnju električne energije u mikro-postrojenju OIE podnosiocu „ECCO ENERGY“, vl. Vlatko Malić.
2. Utvrđuje se „ECCO ENERGY“, vl. Vlatko Malić status kvalifikovanog proizvođača u mikro-postrojenju OIE, solarna fotonaponska elektrana „ECCO ENERGY 2“, u periodu važenja dozvole iz tačke 3. ovog rješenja.
3. Dozvola za rad izdaje se na period od 1.12.2023. godine do 30.11.2038. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan platiti regulatornu naknadu za 2023. godinu u iznosu od 8,49 KM.
6. Imalac dozvole regulatornu naknadu iz tačke 5. ovog rješenja obavezan je platiti u roku od 30 dana od dana prijema ovog rješenja.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
8. Usvaja se Zahtjev za naknadu troškova sastava tužbe „ECCO ENERGY“, vl. Vlatko Malić zastupanom po opunomoćeniku Slavenu Bevandi advokatu iz Mostara u ukupnom iznosu od 280,80 KM.
9. Ovo rješenje je konačno, te se objavljuje na službenoj internet stranici FERK-a.

O b r a z l o ž e n j e

Dana 30.6.2020. godine FERK je od podnosioca „ECCO ENERGY“, vl. Vlatko Malić primio Zahtjev za izdavanje dozvole za rad za proizvodnju električne energije u mikro-postrojenju OIE pod brojem UP1-06-13-1-57/20.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije u mikro-postrojenju OIE broj UP1-06-13-1-57-

01/20 od 17.7.2020. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 27.7.2020. godine pod brojem UP1-06-13-1-57-02/20, dopis primljen u FERK 26.8.2020. godine pod brojem UP1-06-13-1-57-03/20, dopis primljen u FERK 9.10.2020. godine pod brojem UP1-06-13-1-57-4/20 i dopis primljen u FERK 26.10.2020. godine pod brojem UP1-06-13-1-57-5/20, a na osnovu kojih je FERK donio Rješenje broj UP1-06-13-1-57-7/20 od 28.1.2021. godine kojim je odbio Zahtjev za izdavanje dozvole za rad za proizvodnju električne energije u mikro-postrojenju OIE podnosioca „ECCO ENERGY“, vl. Vlatko Malić. Također, 17.3.2022. godine FERK je od Kantonalnog suda u Mostaru primio tužbu tužioca „ECCO ENERGY“, vl. Vlatko Malić pod brojem UP1-06-13-1-57-8/20, a odgovor na tužbu FERK je dostavio Kantonalnom sudu u Mostaru 29.3.2022. godine pod brojem UP1-06-13-1-57-9/20. Dalje, 3.11.2023. godine pod brojem UP1-06-13-1-57-10/20 FERK je od Kantonalnog suda u Mostaru primio presudu kojom se tužba tužioca „ECCO ENERGY“, vl. Vlatko Malić uvažava, poništava se Rješenje FERK-a broj UP1-06-13-1-57-7/20 od 28.1.2021. godine i predmet vraća na ponovni postupak i odluku. U cilju utvrđivanja svih činjenica i okolnosti, FERK je održao i uviđaj 9.11.2023. godine u Čapljini, Tasovčići bb, na lokaciji solarne fotonaponske elektrane, te je na istom bio prisutan i podnosilac zahtjeva što je evidentirano Pregledom tehničko energetskih karakteristika fotonaponska elektrana „ECCO ENERGY 2“ broj UP1-06-13-1-57-15/23. Dalje, FERK je organizovao i usmenu raspravu u postpuku po Zahtjevu za izdavanje dozvole za rad za proizvodnju električne energije u mikro-postrojenju OIE, 10.11.2023. godine i 14.11.2023. godine, u prostorijama FERK-a, u Mostaru, na kojoj se raspravljalo o pitanjima vezanim za dokumentaciju priloženu uz zahtjev i o izvršenom uviđaju, te je o održavanju iste sastavljen Zapisnik sa usmene rasprave broj UP1-06-13-1-57-16/23. Na osnovu navedenog, a imajući u vidu da je po Zahtjevu za izdavanje dozvole za rad za proizvodnju električne energije u mikro-postrojenju OIE broj UP1-06-13-1-57/20 od 30.6.2020. godine, podnosioca zahtjeva „ECCO ENERGY“, vl. Vlatko Malić, obavljen uviđaj i održana usmena rasprava, te uvažavajući navode podnosioca i stav Kantonalnog suda u Mostaru, FERK je utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije u mikro-postrojenju OIE po zahtjevu broj UP1-06-13-1-57/20 od 30.6.2020. godine, podnosioca „ECCO ENERGY“, vl. Vlatko Malić. Na osnovu člana 19. stav (3) Zakona o električnoj energiji Federacije Bosne i Hercegovine, FERK je Odlukom broj UP1-06-13-1-57-18/20 od 16.11.2023. godine usvojio Nacrt dozvole za rad za proizvodnju električne energije u mikro-postrojenju OIE, te Obavještenje za javnost o opštoj raspravi o Nacrtu dozvole za rad za proizvodnju električne energije u mikro-postrojenju OIE, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije u mikro-postrojenju OIE na adresu FERK-a ili na elektronsku adresu, u periodu od 16.11. do 24.11.2023. godine do 12:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješača na adresu FERK-a ili na elektronsku adresu, u periodu od 16.11. do 24.11.2023. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješača, odnosno do 24.11.2023. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije u mikro-postrojenju OIE, niti je primljen zahtjev za sticanje statusa umješača.

Dalje, članom 4., članom 5. i članom 6. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 9. stav (1) Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisano je da će se imaoima dozvola za obavljanje elektroprivrednih djelatnosti i imaoima dozvola iz člana 6. stav (1) ovog pravilnika, te Operatoru za OIEiEK iznos regulatorne naknade utvrditi/preračunati izdavanjem pojedinačnog rješenja u skladu sa članom 5., članom 6. i članom 8. ovog pravilnika. O obavezi plaćanja regulatorne naknade imaoce dozvole se ispostavlja posebno obavještenje.

Na osnovu obrade Zahtjeva za izdavanje dozvole za rad za proizvodnju električne energije u mikro-postrojenju OIE podnosioca „ECCO ENERGY“, vl. Vlatko Malić i dokumentacije priložene uz zahtjev, utvrđeno je da podnosilac zahtjeva ispunjava kriterije iz člana 18. Zakona o električnoj energiji Federacije Bosne i Hercegovine, odnosno člana 25. Pravilnikom za izdavanje dozvola. Na osnovu navedenog, u dozvoli koja je predmet ovog rješenja, podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Navedeni uslovi uvažavaju potrebu, ali i obavezu „ECCO ENERGY“, vl. Vlatko Malić da u rokovima propisanim u uslovima dozvole za rad za obavljanje licencirane djelatnosti proizvodnje električne energije u mikro-postrojenju OIE iste ispuni, u cilju zadovoljenja propisanih kriterija.

Budući da je Kantonalni sud u Mostaru tužbu tužioca „ECCO ENERGY“, vl. Vlatko Malić uvažio, poništio Rješenje FERK-a broj UP1-06-13-1-57-7/20 od 28.1.2021. godine i predmet vratio na ponovni postupak i odluku, te ostavio FERK-u da o troškovima postupka odluči u konačnoj odluci u ovoj upravnoj stvari, kao i da je tužilac u svojoj tužbi istakao i Zahtjev za plaćanje troškova postupka na ime sastava tužbe u iznosu od 240,00 KM, uvećano za iznos PDV-a od 17%, tj. ukupno 280,80 KM, u skladu sa Advokatskom tarifom, FERK je utvrdio da je navedeni zahtjev osnovan.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSJEDAVALJUĆEG FERK-a
Jasmin Bešo, s.r.